


Subscribed and paid for by...

OMUKWETU

Registered at the General Post Office as a Newspaper

10c



EHALO LYAKALUNGA MOOHAPU DHAKRISTUS

Otwa pewa numvo oshipalanyolo: Oohapu dhaKristus dhi kale dhu udhilila mutse. Eku-magidho li li po olyo ndyoka tu dhi leshe, tu dhi longathane nokupukululathana nadho, tse tu vulike kudho, oshoka miinima ayihe odhi na uuyamba uunene.

"Oshoka otse oshilonga she twa shitiwa mu-Jesus Kristus, tu kale tu na iilonga iiwanawa, Kalunga e yi longekidha nale tu kale muyo." (Efes.2:10) Miinima ayihe okatopolwa hano otake tu lombwele kutya Kalunga okuna ehalo noshinakugwanithwa omolwokukalamwenyo kwetu.

Shotango, olyo Ehalo lyaKalunga aantu ayehe ya hupithwe. Jesus sho ta ti: "Oyendji oyi ithanwa." (Mat.22:14) Ota ulike kutya EHI-YO okuya kehupitho olye ya muuyuni auhe nolya nanununinwa kwaayehe mbeka taa adhika kulyo. (Mat.22:9)

Aamati yomukwaniilwa oya lombwelwa, "I-ndeni ano koompagila dhoondjila, naayehe mboka tamu mono ya ithaneni kohango." Shino otashi tsu thiluthilu kumwe noohapu dhomuyapostoli Paulus kuTimoteus: "Kalunga omukulili gwetu.... oongoka a hala aantu ayehe ya hupithwe." (1Tim.2:4)

Patiyali, olyo ehalo lyaKalunga ooitaali ayehe ya yapulwe. Paulus ota nyola ngeyi: "Oshoka Ehalo lyaKalunga olyo ndika eiyapulo lyeni." (1Tess 4:3) Niishewe ota yeleke ngeyi, Otandi matukile kethikilo okondjambi yesindano, Kalunga e yi ithanene ndje neithano lyome-gulu omuKristus Jesus." (Fil.3:14)

Kalunga ina hala owala eiyapulo lyetu omolwehiyo lyaamati ye ihe okwa tula po wo omifangondjila nomikanka dhokweendwa nokukalwa: "Otandi mu lombwele kaleni nokweenda mOmbepo no itamu gwanitha uuhalu wonyama." (Gal.5:16) "Oshoka Kalunga oye tuu ta pendutha mune ehalo niilonga, ohokwe ye yi ganithwe." (Fil.2:13)

Ehala lyaKalunga kutya ooitaali ayehe ye mu longele. Olyo lya kala elalakano lye enene mokusa kwomwana omuholike oku tu shitululila mokukalamwenyo okupe ku na ekwatathano naye mwene nombili. "Okwa sile ayehe (peha lyaayehe) opo mboka ye na omwenyo yaa ikalele we yoyene, aawe oonguka tuu e ya sile nokwe ya yumukile." (2Kor.5:15)

Omuwa ota yelekwa meyele lyaJesus a fa omulumentu a meneka a ka kongele oshikunino she shomiviinu aaniilonga, kwa tiwa omutenya aguhe, nomokutsakanena naamboka ya ti inaa hiywa okwa ti: "Nane wo indeni keyana lyandje lyomiviinu." (Mat.20:17)

Patine, olyo ehala lyaKalunga kutya omwii-taali kehe a mone ehala lyaKalunga lyowinawina mokukalamwenyo kwe. Paulus okwi ithanenwa okuuvithila aapagani evaangeli (o-

nkundana yenyanyu oshoka ehupitho ndyoka lya li nale oshiholekwa kuyo lye ya hololelwa.) (Gal.1:16) naPetrus okAayuuda. (Gal.2:7)

Kalunga okwa gandja kooitaali ye omagano gi ili nogi ili gopambepo. (1Kor.12:4-6) Okwe ya uthile wo iilonga (Efes.4:11). Osha simana kehe gumwe gwetu a mone "iilonga iiwanawa" mbyoka Kalunga e yi longekidha nale tu ende muyo. Ndjika oyo ondjila yaKalunga tayi ulikwa moohapu dhaKristus, mOmbimbeli yetu. Omupsalmi ota galikana:

"Omuwa, tseyithila ndje oondjila dhoye, longanga ndje omapola goye. Enditha ndje moshili yoye ngu longe ndje, oshoka ongoye Kalunga ho kwatha ndje, onde ku tega omasiku agehe. Eps.25:4-5. Okokutya ngiini?"

1. "Tseyithila ndje oondjila dhoye" = tonatitha omeho gandje.
2. "Longa ndje omapola goye" = wilika omadhiladhilo gandje.
3. "Enditha ndje moshili yoye" = wilika oonkatu dhandje.

Ehala lyaKalunga olya hololwa mOohapu dhaKristus. Aamwameme, Oohapu dhaKristus ngele dhu udhilila mutse nena otu na uuyamba woshili, omwenyo gwaaluhe. Owa hala tuu uuyamba mbuno?

Set Son Shivute



Omwiilongi gwetu kuEuropa, kOsoomi, omusitagongalo Set Son Shivute. Mombilive ndjoka a tumine kO-mukwetu pamwe noshipopiya (tashi monika pepandja mpaka), okwa kunda aalongi ayehe yomOshinyanya-ngidho nomOsitola yOmambo noku ya halela ehekeleko lyaKalunga, molwakuume ketu, nakusa Tomas Aue-ne. Ota ti kutya aanegumbo lye: meme Nani, Megameno naMewawa oya thika nawa.

EPURO KAPISI EGWANESO LYOVETA

Rom.1:16-17

Mbudi zoNgwa ezi a udisa Oaurusa yido nonkondo neparu. Evangeli mwalyene yido nonkondo napenye opo vana kuudisa Mbudi zoNgwa yipo puna kara eparu lyovantu navenye.

Nkango eparu modili nontanto mbali:

a) Eparu mepanguro lyahulilira. Rom.13:11.
b) Eparu mosiruwo santaantani. Rom.8:24.
Naina membo eli muna wiza eparu. Ruk.19:9.
Paurusa ta uyunga epuro lyokuhuguvava mwaKarunga mwelike. Gal.3; Ef.2:8 Navenye ava va kara mepuro kugwana eparu, Pwa hana ntundiliro zorudi ndi zoruvava.

Kupura Karunga gwaAbrahamu naJakopo nalsaka yiso po somulyo unene. Kristusa pomuhowo kwa zuvhisire Mbudi zoNgwa koVaisraeli naPaurusa nage ngosikwawo. Yirug. 13:46. Nye oPaurusa naBaranabasa tava uyunga nomupampi asi: "One nyone ngano muhowo kumuudisira nonkango daKarunga. Ano moomu muna di zuvhu yiyo muna kulidima-dima mwenyo gwanarunye, makura nose tatu zi kovapagani."

Ntjmantjima zoMbudi zaPaurusa kuhungameka mepuro. Yipo muntu a paruke pomuhowo a kare mupuli. Vajuda va divire nawanawa asi muntu kuParuka kokuhungama kwendi, nye awo ngava kwama veta zelike. Ano Paurusa ta tanta asi: Gal.3:1vv

Kuhungameka mepuro kwa vhura yirugana yaveta Rom.3:27-29; 4:3vv. Egwanekero nombili naKarunga kapi ali moneka morwa yirugana, nye mepuro mwelike. Yiponye moku-papara mbili kwaKarunga morwa yirugana nokuzigwana si. Rom.3:21, Gal.3:11-13.

Paurusa kuna likida yirugana yoveta eyi ayi dili kuliza kumwe nEvangeli Age kuna panda yirugana yoyiwa oyo enyango lyeharo. Titusa 2:7. Yirugana yoyiwa yomupuli yilyo enyango lyendi. Awo makura tava mu puasi eyi natu rugana yinke asi tu ruganene Karunga? Joh.6:28.

Jakopo ngapi omu ana kuuyunga yokuhamena epuro noyirugana. Jakopo 2:14-16; Rom.3: 21-28. Jakopo kuna kutanta nawa-nawa asi; epuro lya hana kurugana lya fa. Ntene nye asi a litangera asi kwa pura, nsene epuro kapi ana kulihorora moyirugana yoyiwa, lya fa. Jakopo ta gweda ko hena asi ove kwa kara nepuro lyoge lya pira yirugana, ame ni ku likidise epuro lyange koyirugana.


- a) Jakopo kuna kutanta asi: Epuro lya hana enyango kapi ali moneka.
b) Age ta pindura epuro lya fa, mokuhamena koyirugana. Paurusa naJakop kuna kusansekwa epuro limwe tupu, epuro omu muna kara enyango lyeharo noyirugana yoyiwa.
c) Yirugana oyo ana kusansekwa Jakopo kapi yirugana yoveta, nye yirugana yoMbudi zoNgwa. Yirugana nokuwapasi kuyipangura kepuro.

d) Nkenye mupuli ga hepa kulikida epuro lyendi moyirugana yoyiwa. Yilyo enyango lyepuro.

e) Yirugana yokutunda mepuro kapi yirugana yoveta, nye enyango.

f) Epuro oloyo lya pira enyango lya fa. Matt.5:16.

Ludwich N.A. Kamboroto



Omupapa wokuRoma Paulus IV

Aakwaluther ya tuma omakundo komupapa Paulus

Dr. Carl Mau, amushanga omukuluntu gwOngongahangano yAakwaluther, okwa tumine Omupapa Paulus IV etumwalakakundo mesiku lyevalo lye, eti 26 Septemba.

Omundohotola Mau okwa tumu ondelekelama tayi ti: "Omuyapuki, mokathimbo haka kevalo lyoye eti 80, otatu ku tumine omakundo getu gopaukuume, oku ku shilipalekela omaglikaneno nomahalelo getu omawanawa.

Tse otatu dhiginine ekwatathano ndyoka tu na nongeleka Onkwakatoolika kaRoma, mokukonga kwetu uukumwe wopangeleka, mevaangeli lyOmuwa gwetu Jesus Kristus.

(LWI)

OMPUMBWE POKATI KOMULUMENTU NOMUKIINTU OYA SHITWA KUKALUNGA

Etsikilo (Tala omukwetu No. 19)

Omadhiladhilo gokudhiladhila omukiintu gwontumba we mu hokwa nowa hala u ye naye moluhondelo nenge gokudhiladhila omulumentu gwontumba we mu hokwa, nowa hala u ye naye moluhondelo, ogo taga lukwa kuJesus okutala nehaluko. Ihe shika osha yela kutya ompumbwe yopokati komukiintu nomulumentu oya shitilwa momuntu. Omukiintu nomulumentu otaa thiminikwa kuyo okutalathana noku dhiladhilathana nokuhalathana. Onda ndhindhili kutya aakriste oyendji, unene aagundjuka, otaa yemata notaa hepekwa keiyuvo lyondjo sho taye shi ningi.

Aantu oyendji oya nyengwa okuyeelwa kelalakano lyaKalunga nompumbwe ndjoka e yi tula muyo, oshoka oye wete owala ya pewa omukundu gwokukala taa kondjitha emakelo lya tya ngaaka. Epulo kombinga yompumbwe ndjika enene shili mokati kaagundjuka notashi kala epuko ewinayi ngele itaa pewa uuyelete moshinima shika. Aagundjuka yongeleka yetu oya li ya pula omundohotola omukatoolika ngeyi: "Otu na okuninga ngiini sho tse aagundjuka aamati tatu hepekwa kompumbwe yokuhala aakadhona naakadhona taa hepekwa kompumbwe yokuhala aamati?" Omundohotola ngwiyaka okwa li e ya pe edhiladhilo tali ti, ngele taa ipyakidhile niilonga yawo unene nena otaa sindi ompumbwe ndjoka na itaa hepekwa we kuyo. Okupa aagundjuka mbeyaka omadhiladhilo gokukondjitha ompumbwe yopokati komukiintu nomulumentu onde shi tala ngepuko enene, oshoka ompumbwe ndjoka oyo tuu tayi ka longa muyo, opo ya vule okuhogolola aaholike yawo mboka taa yi nayo mondjokana. Ompumbwe yopokati komukiintu nomulumentu ondjapuki, oshoka oyo omwenyo gwondjokana mokati kaantu.

Kalunga okwa yambeke Adam naEva ta ti: "Kaleni mu na oluvalo." Etumbulo ndika lye-yambeko otandi li yelitha niitya mbika "kaleni tamu vala". Okuvala hu kwa dhiladhilwa kuKalunga otaku vulika owala ngele mokati kaantu mu na aakiintu naalumentu, oshoka ndjika oyo ompango ya kola muunshitwe kutya otaku valwa uuna pe na sha oshikiintu nope na sha oshilumentu. Omolwompango ndjika Kalunga a shitile muAdam naEva ompumbwe yopokati komukiintu nolumentu nompumbwe ndjika otayi longo wo nomokati ketu ngashingeyi. Kalunga ina tya "kaleni tamu vala" pethimbo ta tula Adam naEva omutima sho ya li komuti gwokutseya uuwanawa nuuwinayi. Okuvala kwaAdam naEva okwa li kwa yalulilwa naanaa monkalathano yawo mOparadisa, onkee Ombimbeli tayi ti Kalunga okwe ya yambeke ta ti kaleni mu na oluvalo. Shika nashi kale sha yela ano kutya omukiintu ngele ta dhiladhila omulumentu nomulumentu ngele ta dhiladhila omukiintu osha za meyambeko lyaKalunga.

Aantu oyendji sho inaa kwathwa yu uve ko kutya ompumbwe yopokati komukiintu nomulumentu oya za meyambeko lyaKalunga oye yi pangula ihe oya nyengwa okwiimangulula kuyo. Aagundjuka oya pangula ompumbwe ndjika methimbo lyuugundjuka wawo, oshoka oya kumagidhwa owala yaaha ye moluhondelo yo itaa fatululilwa uuyapuki wompumbwe ndjoka tayi ya thiminike okuhala okuya mekwatathano naagundjuka aakwawo aakiintu nenge aalumentu. Ompumbwe ndjika shoka oyi na shili oonkondo muyo, olwindji oyi iyakelathana nolwindji okatalekonawa kiiholekwa tayi pangele ompumbwe yopokati komukiintu nomulumentu oke ya pangele sigo ya hanganitha iilyo yiivalitho yawo noshilanduliko osho okugwila moluhondelo nomepunduko.

Inashi gwana ngele tse aavali tatu kumagidha nokukeelela aagundjuka yetu moluhondelo, ihe itatu ya fatululile uuyapuki wiiholekwa mbyoka tayi mwenyepaleke ompumbwe yopokati komukiintu nomulumentu. Okuuvitha ko aagundjuka yetu uuyapuki wiiholekwa mbyono okwo oku ya pa omukumo noonkondo okuyanda oluhondelo nokutegelela iyimati iiwanawa yehanganitho lyiilyo yiivalitho mondjokana.


Kalunga sho a uthile aantu ondjokana okwa tala kutya ondjila yokufala omuntu muyo, oyo ompumbwe yopokati komukiintu nomulumentu, oshoka iiholekwa tayi mwenyepaleke ompumbwe ndjika otayi ka mbilipalekelwa pautho lyaKalunga mondjokana amuke. Iiholekwa tayi mwenyepaleke ompumbwe ndjika oyo tayi fala aantu mehanganitho lyiivalitho yawo noshilonga shokuvala otashi gwanithwa nduno.

Aantu yamwe sho ya pewa efano ewinayi mokuuva ko ompumbwe yopokati komukiintu nomulumentu ohaye ki iningitha mondjokana ongaantu yaaha na ompumbwe ndjika.

Yamwe otaa pangelwa kohoni. Yamwe otaa pangelwa kuumbanda. Yamwe otaa pangelwa keiyuvo lyondjo nayamwe otaa pangelwa kokwaashisha, onkee oyendji ohaa zi petameko lyondjokana yawo yu uvathana ko nayi nohashi ya fala muutondwe tau kudhile elago lyondjokana yawo ngele itaa mono omapukululo nomakwatho moshinima shika. Aakiintu oyendji ohaa yi mondjokana ye na oshimpwiyu oshidhigu kutya otaa ka pita ngiini sho taa ka pulwa okuya mehanganitho lyiilyo yiivalitho naaholike yawo. Aalumentu oyendji otaa ka longa nuuposu miinima mbika yiilonga nehanganitho lyiilyo yiivalitho naafuko yawo otaa ka ninga omasiku ye ya angala.

Pethimbo ndika lyehumokomeho aagundjuka yamwe oya hala okulola iinima mbika, opo aniwa yaaha ka ninge omapuko momatameko goondjokana dhawo. Aavali ngele itatu kundathana naagundjuka yetu iiholekwa yoonkondo

Tala kep. 6



Omusitagongalo Josafat Shanghala

Omukadhona pangela olutu lwoye

Ngoka ta yoto egumbo, tango ote ende ta tala iiti mbi ya yegeya. Oshiti shoka sha kola ote shi thigi po, a kuthe po shoka sha yegeya. Shika osho tashi ningwa kaalumentu yethimbo ndika.

Omukulukadhi nenge omukadhona, omulumentu ota tala mongundu yeni olye ngo a yegeya. Nenge kungoye kashi shi ohoni onene sho u na aanona ngu gwlpinge ngu gwaJohannes ngu gwaAron? Aamwoye wo otaa ka kala ya yemata yo ye ku limbililwa.

Omukadhona waa shi kupangela olutu lwoye, oto ivalele ondhino ndjoka itaayi ku zi sigo omombila. Omuntu waashi okupangela olutu lwoye, nondjokana yo yene itoyi mono, oshoka owi itula palupe lwoshimuna, shoka kaashi na mwene.

Yapula olutu lwoye, ina lu kala omo hamu polele uuhalu waalumentu. Olutu lwoye olwo otembeli ondjapuki yaKalunga. Ngele to lu nyateke noluhondelo, oto yono noto ikutha esimano.

Ndakulilwa T. Amadhila


Kashindi a ninga omusita gwaagundjuka

Paentokolwa dhepangelongeleka lyeti 11-12.10.1977, lya gongala mOniipa, olya hogolola omusitagongalo Josafat Shanghala a landula omusita Heikki Uushona, ngoka a li omusita gwaagundjuka mOngeleka ayihe. Uushona oshilonga shomaagundjuka okwe shi longo ethimbo lyomimvo ntano sho a landula omuwilikingeleka Kleopas Dumeni, ngoka oye omusita gwotango gwaagundjuka mongeleka ya ELOK (1961-1972).

Tate Shanghala (33), he yokamati kamwe, okwa li a yapulilwa oshilonga shuusitagongalo momumvo 1974. 1976 oshigongingeleka oshu mu hogolola a kale oshilyo shEpangelongeleka. Okwa li a hogololwa a kale omusita gwaagundjuka mOshitayingeleka shUuninginino; iilonga mbyoka e yi longo pamwe noshimpwiyu shegongalo lyaNakayale.

Oshilonga shomaagundjuka Shanghala ote ke shi tameka 1 lyaFebuluali 1978. Omusita Reinhold Muremi, kOkavango, oye a hogololwa a kale omupeha gwomusita gwaagundjuka mongeleka ayihe.

Epangelongeleka olya pandulile omusita Heikki Uushona eyakulo lye, moshilonga shika nolye mu indile a tsikile sigo ethimbo tapu ka ningwa etaambathano.



Omusitagongalo Heikki Uushona

NDA ZI PO MANGA, LYAANGULA TA TI

Onda taamba nepandulo, ompito ndjoka nde yi pewa kEpangelongelesa, opo ndi ye kuEnglana moskola yedhina: Lebanon Missionary Bible College, Berwick-Upon-Tweed, TD 15 IPA, muEngland. Ndi tale otaa longo ngiini oskola yOmbimbeli, opo mokugaluka tu humithe komeho oskola yOmbimbeli mu Elok. Mokuza muEngland otandi ka uka kOsoomi ndi ka kwathe miigongi mokati kaanangeshefa aakriste yomuSoomi. Mokukala pamwe miigongi, eitaalo lyawo nolyandje otali hwamithwa ngeyi kOmuwa.

Aamwatate, otu li metnimbo lyomainyengo omanene mevi lyetu. Oshitheta oshinene shi li po ngashingeyi shokuvala ethimbo epe. Oondundu otadhi tenguka niikulundundu otayi kakama, ihe okuna shimwe itashi inyenge osho: Esilohenda ndyoka lye tu hololelwa muJesus Kristus itali kanduka po putse, nuukuume we natse, mehangano Epe lya dhikwa meso lyaJesus lyomuGolgota, itau teka po nando. Tu humeni komeho meitaalo nokutsakaneka ashihe meitaalo lyaJesus Kristus.

Omulonga gwomagalikano taga zi muNamibia na ngoka taga zi kuEuropa taga uka koshipangalapundi shaTate, nkoka taku zi ekwatho lyetu, naga yeluke omolwaJesus Kristus, ngoka e tu hole nokwe tu sile, ita kala ina yamukula.

Kaliipo manga
Efraim Angula

Ompumbwe pokati komulumentu nomukiintu

Dha za kep. 4

ndhoka tadhi longo muyo mekwatathano nompumbwe yopokati komukiintu nomulumentu, inatu ke ya peni omausama ngele taa endebele okulola ehanganitho lyiilyo yiivalitho manga inaa ya ya mondjokana, oshoka ondjo oyi li kutse. Omusitagongalo gumwe okwa li a kundathana iiholekwa yompumbwe yopokati komukiintu nomulumentu nokwa tumu aagundjuka ye ya ka pule aakuluntu yawo omapulo gontumba miinima mbika, Okwa li a kumwa noonkondo sho aagundjuka yamwe ya tidhilwa kokule kaakuluntu yawo, sho ya tameke okupula omapulo giinima ya guma ehanganitho lyiilyo yiivalitho. Aakuluntu oyendji aapenda mokusitha ohoni oyana ngele ya gwile moluhondelo, ihe aapenda wo mokusohoni ngele oyana yawo taye ya pula omayele miinima "yiipala", opo yaaha gwile moluhondelo.

Okuuvako nawa nokutaamba nombili oshinakugwanithwa shehanganitho lyiilyo yiivalitho, oshinima sha tegelelwa mokati kaakriste, oshoka osha gandjwa kuKalunga. Kalunga ina dhiladhila kutya Adam naEva naa vale pamukalo gumwe gwi ili gwaashi okuhanganitha tango iilyo yawo yokuvala, opo uusimba waEva u holoke. Shika otandi shi koleke naGen.4:1 moka tamu tiwa:

"Omulumentu nokwa lala nomukiintu gwe Eva. Eva nokwa ningi omusimba nokwa vala omulumentu (NEB)." Eva nando okwa hanganitha iilyo yiivalitho naAdam, okwa pandula Kalunga sho a mono Kain, oshoka shika osha vulika sho ye a shitwa omukiintu naAdam a shitwa omulumentu. Oshikwawo ota pandula sho e shi ningi meyambeko lyaKalunga mondjokana. Okulala nomukiintu kee shi gwoye nenge okulala nomulumentu kee shi gwoye, kashi li paMbimbeli nande, onkee otashi fala omuntu muulunde. Adam okwa lala nomukiintu gwe, onkee omukiintu gwe okwa vulu okuhambelela Kalunga sho a mono okanona.

Tuure Vapaavuori a hulitha

KuSoomi okwa zi onkundana kutya omukulu-ntutumi gwonale Tuure Vapaavuori a mana oondjenda eti 12 lyaAguste 1977, mepipi lyoomvula 72.

Omumvo 1931 Vapaavuori okwa li a tumwa lwotango kuAfrika. Sigo 1937 okwa longele koNakayale nokOnayena. Oomvula 1939-1946 okwa longele mokati kAahanya, muAngola. Okuza 1946 sigo 1955 okwa li omuwilikitumi nokwa talele po Owambo omumvo 1954. Konima 1955 Vapaavuori okwa uvithile momagongalo gomuSoomi. Unene aagundjuka oya li ye mu pulakene nohokwe, sho e ya hokolelele etumo. Okwa nyola wo omambo ogendji. Omumvo 1969 Vapaavuori okwa penzulwa, nomoomvula dhe dhahugunina kombanda yeve ndika okwa li ta alukwa unene.

Okukala nuulumentu nokukala nuukiintu kashi shi uulunde. Okukala wo nompumbwe yopokati komukiintu nomulumentu kashi shi wo uulunde, ihe okulalathana kwomukiintu nomulumentu inaaya ya mondjokana nenge pondje yondjokana, osho uulunde koshipala shaKalunga.

Oshinima shika onde shi eta, opo shi taambwe nehambelelo miikaha yaKalunga sho shaaha kale we osheeti shuupyakadhi mondjokana. Aagundjuka naa pukululwe nawa yaaha ye moshiponga shuulunde molwokwaana owino kwasha. Omapukululo omawanawa moshinima shika otaga ka kwatha aantu ya simaneke ondjokana.

Elia Niinkoti

NATANGO OVETA R17 OYI NA OONKONDO

Natango oveta R17 opo yi li, okudhiginina ombili nelandulathano moshilongo, ihe kayi lile po aantu mboka aawanawa, osho oministeli yOwambo omusimanekwa Kornelius Ndjoba a lombwela engathithi lyaantu ye thike pomayovi gaali sigo gatatu (2 000-3 000), poshigongi shongundu ye yopolotika "Natinal Democratic Party", mOshakati, ondoolopa ya kala kUumbugantu waNamibia.

"Oveta R17 (ya totalwa Owambo momumvo 1972, kOrepublika ya S.Afrika) otayi keelele einyengo kehe lyongundu yopolotika, kakele ngelo lya tumbulwa. Pahapu dhoministeli ya otadhi kala po uuna dha halika komapangelo gOwambo.,, (Bryn O' Linn)

"Oveta ndjika oya li ya totwa, sha zi, piiningwanima ngashi oshipotha shAaniilonga Aawambo nosho wo ekuyunguto lyomOwambo." (John Dugard)

Oministeli Ndjoba oya ulike wo kooveta ndhoka dha kuthwa po omasiku ngaka: oveta yoopaasa (ya totalwe momumvo 1922) nosho wo oveta yokuhokanathana niilumbu (Immorality act). Mokupopya kekuthopo lyooveta oministeli oya tanga oTurnhalle kutya oya longa oshindji moshinima shika osho wo unene kOshivelo kutya mpaka ngashingeyi oya kutha po omathininiko ngoka ga li po. Ihe SWAPO ina longa po nando sha, osho oministeli ya ti.

Omusamane Ndjoba okwa ti wo kutya SWAPO ota ti kutya oTurnhalle oya sa, ihe hasho, oya gwanitha owala iilonga yayo. Ota-yi lundulukile mongundu yopolotika, okwiilongekidhila ehogololo lyaayehe. Okwa ti wo kutya SWAPO okwa tila mehogololo.

Oministeli Ndjoba oya kumagidha wo aalongsikola naalongi ayehe mepangelo ya ulike kutya oya gama kepangelo nenge oku SWAPO. Ngele oku SWAPO nena naye mu kalele ye e ya fute.

Oministeli Ndjoba okwa holola kutya okwa pele SWAPO okampito okuninga oshigongi mOshakati (9 Kotoba 1977). Okwe shi yeleke nohima "onghili" ye eta ko omutse opo omuntu wu vule oku gu teta ko. Okwa ti wo kutya SWAPO okwa fa oshikoko "shinya sha tongwa mEhololo" (mOmbimbeli) - a hala okuhakana aana yAawambo, oshoka okwa tila mehogololo.

Oministeli yUuyuki, Tara Imbili, oya li wo ya popitha oshigongi osho wo omusamane Kalangula naBarnes omukalelipo gwOombatili moTurnhalle.

Iimbili okwa tanga ndjai komufala omupanguli Steyn, sho a kutha po ooveta ndhoka dha li dha kutha omuluudhe uuthemba. Ihe SWAPO okwa ningi omauvaneko konima yomimvo 30. Okwa ti wo kutya yo oyo ongundu yotango ya ekelahi okayoya na oya kuutumba pamwe naayehe osho wo noontauki dhokua-Angola.

Barnes okwa ti kutya SWAPO okwa ninga omauvaneko konima yomimvo 17. Mokupopya kutya SWAPO okwa tila ehogololo okwa ti: Aawambo oyendji oyi itaala Ndjoba no-

Turnhalle. Okwa ti wo kutya aakali moshigongi Aashakati ashike, yo inaya tuta aantu, osho Barnes a ti.

Pokati mpoka opwa kala tapu topolwa, oshali, uumbapila wa nyolwa edhina lyopaati ndjika "National Democratic Party," ongundu yaa-yehe.

Oshigongi osha li sha tamekithwa nosha huli-thwa negalikano.

OSHIYOLITHA MOMUKWETU - NDJOBA A TI

OSHAKATI - Oministeli yOwambo omusimanekwa Kornelius Ndjoba moshigongi she shoka a ningile meti 22 lyaKotoba 1977, mOshakati, shongundu ye yopolotika oNatinal Democratic Party (NDP) okwa lombwele mboka ya li moshigongi "oshinyolwa tashi yolitha nawanawa" shi li mOmukwetu gweti, 15 lyaKotoba onomola 19.

Omusita Ndjoba okwa ti kutya oshinyolwa osha nyolwa komukatalume, oshoka aniwa ina holola edhina lye. "Fye ovana vOwambo ohatu shi ekeleshi," osho oministeli Ndjoba ya ti. Konima okwa hiya wo ayehe ya leshe oshipopiwa shoka, oshoka aniwa omushangi okwa hala aaleshi ya "lambe ondjila ye."

Oshipopiwa osha li sha nyolwa komuleshi gwOmukwetu Ndakumwa nosha li shi na oshipalanyolo "Radio Owambo oya lundila Oministeli Onghulunhu yOwambo."

Omunyoli nguka okwa li a ulike konkundana ya tuminwe mombepo kOradio Owambo tayi ti kutya poshigongi sha SWAPO opwa li aantu ye thike 700 nando oye thike 7 000.

Omunyoli okwa tsikile ko ta pula ngele oministeli inayi ilonga sha kiigongi yoTurnhalle mbyoka a ningile, kutya opo a zi e na efano lya puka. Pehulilo omuleshi okwa kumagidha Radio Owambo yaa popye we tayi kutha pekothi. Oministeli mokupopya kushika oya ti kutya ayihe otayi ningwa omolwa SWAPO ngoka a tila ehogololo.

Tala kep. 8

Ekundo kookuume kandje Aawambo

Konyala iiwike itatu onda menekele pune. Onda mono ompito okutala evi lyeni, uunshitwe walyo niinamwenyo oyindji yo opala. Onda pyokoka mombwalangandjo yomakuti geni noombuga dheni, meopalo lyoondundu nomoonkondo oonene dhefuta. Onda adha aantu oyendji nonda taambwa nawanawa kwaayehe. Unene oohapu dhekundo lyomumbisofi Auala odha li dhi uvitithe ndje nawa komwenyo, sho nda thiki kevi lyeni. Inima ayihe mbika otayi nyanyudha ndje natango nondi yi uvitile olupandu olunene.

Ihe onda mono wo sha shoka ihaashi nya-nyudha ndje ashike. Onda dhimbulula omaudhigu geni ogendji, mboka we mú kundukidha. Omolwawo omwenyo gwandje ogwo onya nogwa tyololoka nayi. Oshi uvitithe ndje kutya omolwashike emanguluko ohali popiwa nohali popiwa, oyendji ohaa tungu oongonyo e taa dhiladhila omadhiladhilo omalulu.

Sho nde yi mono ayihe mbika, onda ziyalala mokudhiladhila onakuyiwa. Natango ote dhiladhila kutya iita oyo oshiponga oshinene shi vule ayihe tayi vulu okutsakaneka oshigwana shontumba. Oyendji oya dhimbulutha ndje kutya osho naSoomi wo sha adha emanguluko. Osho oshili, ihe oya topola oshigwana pokati. Oya tsitha omuntu ondumbo namumwayina noya dhenge iilalo momitima dhaantu mbyoka natango tuu inaayi pola naanaa, nando oomvula omilongo hamano odha piti okuza mpoka.

Shoka shi vule eihomateko, osho okutanitha eliko lyopambepo lyoshigwana, okuputukila uukumwe womeni nuumwayinathana.

Ondi na uumbanda uunene okupopya iinima mbika noinandi inekela nando owino wandje mwene. Ondi uvite ashike ukweyi wandje, oshoka okukalamwenyo kwomuntu kehe kaku shi sha shilwe, aawe, okwo esilohe-nda lyaKalunga alike, lyesiku kehe, ngaashi omumbisofi gweni ta ti. Inima mbyoka tayi tu adha, pomathimbo gamwe, oya fa yi vule oonkondo dhetu.

Lumwe natango: tangi unene kuuwanawa auhe mwe u hololele ndje. Natu kaleni tu na etegameno, oshoka onakuyiwa oyetu.
Martti Issakainen

Oshiyolitha mOmukwetu

Dha za kep. 7

Oministeli oya ti wo kutya pethimbo lyoshigongi sha SWAPO iihauto yongeleka (ookumbi) odha kala tadhi tutile aantu koshigongi shoka, omanga aasita taya ende koombasikela.

Meti 24 lyaKotoba SWAPO okwa li a ningi oshigongi mOvenduka moka a tsu aanangeleka omaminimini opo yaa ye mehogololo, osho oministeli Ndjoba ya ti.

'TURNHALLE' ITA PEWA WE IIMALIWA KEPANGELO

Mombilive ndjoka ya nyolelwa kuamushanga gwoshigongi shoTurnhalle, kuKomufalandjai, omupanguli Steyn, otamu tiwa kutya oTurnhalle itayi ka pewa we iimaliwa kepangelo.

Oongundu adhihe ndhoka tadhi ka ya mehogololo lyaayehe, kape na nando oyimwe tayi tegelele oku ka pewa ekwatho kepangelo; okusinda oongundu dhilwe, ngele lyopaimaliwa, lyaantu nenge lyiipumbiwa yilwe.

Ongongundu yopolitika oTurnhalle oya mangeluka yi tokole yoyene nkene tayi humitha ko omalalakanano gayo nonkene tayi tsikile komeho niilonga yayo.

OTurnhalle sho ya topoka mokwaaovitathane, opwa totwa okangundu kokukonakona okwaaovitathane hoka ku li po. Ngoka a li omunashipundi gwoTurnhalle, omusamane Mudge, oye gumwe gwaamboka ya li ya ningi eindilo kuKomufalandjai, omupanguli Steyn, opo a halakanithe po oTurnhalle.

(Advertiser)

OUNYUNI OWA HANDUKILA S. AFRIKA

Mefatululo olo la yandjwa kOshikondo shOshilongo shaAmerika otali ti kutya ekwatafano pokati komupresidente Carter nOministeli yotete ya S. Afrika omushamane Vorster, oli li moshiponga shokunai-pala nai.

Ounyuni owa kuyungutifwa kwaasho sha ningwa muSuid Afrika mafiku aa. Oifonghundana ivali, "The World" na "The Weekend World" oya indikwa, osho yo omahangano 18 nomuvalu munene wovanhu ova diinwa.

Omahangano ovanailonga nao okwa nyamukula di-va koshiningwanima eshi. Limwe lomwao makula kOuninginino ola indila Oiwana yaHangana i ningile S. Afrika ondjindikila yomahooli. Ehanganano lovanailonga lopaiwana ola tuma kuamushangandjai wo VVO, omushamane Waldheim, kutya oiwana yomunyuni itai dula vali okulididimikila omatauluko oo taa ningilwa ovanhu notaa eta oshiponga kombili younyuni.

Oilyongeleka mOlaata yEengeleka oya tumina yo omushamane Vorster ondelekelama, oyo tai pata-neke nai eindiko lehangano "Christian Institute" pamwe namakwao.

Opaati oyo tai pangele muIngilanda mefatululo layo oya ti kutya omalinyengo epangelo la S. Afrika oo a shikula divadiva onghalo ilimbilika yefyo la-Steve Biko, itaa mweneke ekondjo, shapu otae li xwameke ashike.

(Windhoek Advertiser)

OMUKWETU

Oya oshifo shOngelaka Onkwaevangeli paLuther yomOwambokavango.

Oha nyanyangidhwa mOshinyanyangidho shOngelaka mOniipa.

Omukuluntu gwOmukwetu omumbisofi dr. Leonard Auala.

Amushanga gwOmukwetu omulongi, Ambrosius W. Amutenja.

Ondando yOmukwetu komumvo, muAfrika R 2-00, kombanda yomafuta R 4-00.

Omambesitelo pamwe noondando naga tumwe kOmukwetu Oniipa, P/B. 2013 Ondangwa 9270

OWAMBOKAVANGO CHURCH PRESS
ONIIPA P/BAG 2013 ONDANGWA 9270